


From
Synod Literature & Publication Board
Synod Office
Aizawl – 796 001
Mizoram



Vol. XL No. 1 A man ₹1/- NEWSLETTER JANUARY 2025

LÂWRKHAWM

SYNOD EXECUTIVE SECRETARY-TE

Kum 2025–2027 chhûnga Synod Executive Secretary-te leh an hna chanpual tûr hetiang hi a ni:

Rev. V.L. Luaia Hrânleh, Senior Executive Secretary – Pastoral, Finance, General Administration, Theological Education, Pension & Provident Fund, Service Board, Nupa Thu, Administratives Areas, Synod Trust, Revival, Partnership, Endowment Fund leh ÷l dangte.

Rev. Dr K. Lallâwmzuala, Executive Secretary – MSSU, PRESCOM, Hospital, SL&PB, Kohhran Hmeichhia, Hmangaihna In, Hmeichhe Hostel, FG&CC, SMTC, Social Front, Research & Evaluation Wing, Zirlai Viltu.

Rev. Dr Rosiamliana Tochwawng – Ramthar, Education, Worship, KÏP, Synod Information & Publicity, Presbyterian Bible School, Synod Prison Ministry, Campus Ministry, Archives, Mizoram Christian College.

2028 SYNOD THLENGTU TUR

Kum 2028-ah chuan Republic Vêng Pastor Bialin College Vêng Kohhran Biak Inah Synod Inkhâwm-pui a thleng ang.

PASTORAL MINISTRY THUPI

2024 Synod chuan kum 2025-a Pastoral Ministry thupui atân 'Inpumkhatna' (Jn 17:11b) tih a thlang.

KRAWS LIAN SIAMNA TUR

2024 Synod chuan ATC Building bula Mizoram Kraws Lian siamna tûr sênso, Synod budget-ah dah a rem ti.

HMA I SAWN ZEL ANG U

– Rev. R.C. Lalnghâkliana
Synod Moderator



“Eng pawh ni sela, kan thlen chin aţang khân hma i sâwn zêl ang u” (Phil 3:16).

Pathian hruainain kum thar kan chuang kai ta a, Pathian hnênah lâwm thu i sawi mawlh mawlh ang u. He kum tharah hian rilru thar, ngaihtuahna thar pua, tih takzeta Pathian rawng bâwl tûrin kohhranhote inbuatsaih ila.

He kum tharah hian rilru thar, ngaihtuahna thar pu chung a hmasâwn zêl tûra kan insan mar a ÷l khawp mai. Hma kan sâwnna tûr pali chauh han en zui ila.

1. Kohhran hriat chian: Tûnlai khawvêlah min nêktu leh min sutu a tam tawh hle a. A lang a pauva kohhran sawisêlna leh duh khawp lohna hmuh tûr a tamin a ri ring ÷hîn khawp mai. Kohhran chhûnga awmte hi mi sual, Krista chhandamna changtute an ni a, an fel famkim hauh lo. Tihsual leh tih dik loh tam tak an nei ang. Mahse, kohhran neitu leh dintu chu Lalpa a ni a, a chhûnga chêngte chu an chak lohnaah a hliakhuh a, a ÷npui a, a siam thar leh ÷hîn a ni zâwk.

Mi tam tak hian kohhran hi political party emaw, NGO pakhat emaw ang lekah kan ngai ÷hîn em ni aw? Kohhran chu Krista din, amaha inngat tlat a ni tih hi kan hriat a ngai. He khawvêl mai ni lo, vân nêna inthlun zawm tlat a ni a, a huap zau va, tâwp chin a nei lo. A dintu leh neitu hi chatuan mi a nih tlat avângin kohhran chu chatuan hawlh pha a ni a. Khawvêl aţanga nuai bo mai theih a ni ve lo. Kohhran nihna hre chiang apiang-in an hlut a, a zahawmzia an hria a, tih takzetin a chhûngah an tel ÷hîn a ni. “Kohhranho zawng zawng ka ngaihtuahna, ni tin min delh rengtu hi a awm bawk a,” (2 Kor 11:28) tiin Paulan a sawi a. Kohhran a hre chiang a, a ngaihtuah a, a rilru zawng zawng a luah a ni tih a lang chiang khawp mai. Min nêktu leh sutu

tam tak kârah kohhran hriat chiana, kohhrana ngheha, kohhran huang chhûngah rawngbâwl tûra inbuatsaih sauh sauh a ÷l.

2. Kohhran thu awih: Presbyterian Church of India Dân Bu chuan, “Kohhran chu Pathian pakhat mi nung pathum awm ringtu, Isua Krista avânga chhandamna changtute inpâwl khâwm hi a ni. Pâwl thianghlim a ni a, khawvêl nun sual laka inthiarfihlîma, nun leh rawngbâwnaah Pathian chu a laipui bera dah tlat tûra koh chhuah a ni. Khawvêl huap a nih avângin ringtu hmuh theih leh hmuh theih loh, hmâna mi leh tûna mi, khawvêl hmun tina Kristiante a huap a, hnam leh vun rawng, hmeichhia leh mipa emaw, retheih emaw, hausak emaw avânga tu mah thliar hrang ngai lo a ni. Pathian lehkha thu rinchhana ding a ni a, a rinna leh thiltih pawh Bible-a inngat tlat a ni. Tirhkohte zirtîmaa inngat a ni a, Kristan a Chanchin ÷ha khawvêla puang tûr leh a thuhretu atâna a tirh chhuah a nih ang takin a thawk ÷hîn. Hei hi Pathian nung kohhran, Krista taksa, Thlarau Thianghlim in, ram tina eng lai pawha mi thianghlimte awm khâwmna a ni,” tiin a sawi a.

He kohhran hi Krista rawngbâwna chhunzawm tûra inbuatsaih a ni a.

SYNOD Newsletter

EDITORIAL STAFF

Rev. P.B. Zosâphara
(82103 77892)

Rev. Dr K. Lallâwmzuala
Upa Lalthlamuana
Zohmingliana Colney
(96152 31750)

Editorial.....

HUN THAR

Synod Newsletter chhiartu zawng zawngte kan Lalpa Isua hmingin Kum Thar Chibai kan bûk a che u.

Kum lo thar zêl hian thil thar a her chhuahpui thîn a. Kohhranah pawh, tualchhông rawngbâwlna ațanga Synod thlengin, hruaitu leh mawhphurhna hrang hrang chelhtute inthlâk thar a ni thîn.

Synod Newsletter Editorial Board pawh kum thum danah inthlâk thîn a ni a, kumin kum thar ațang hian Editorial Board tharin an enkawl tawh dâwn a ni.

Kum liam ta hian thil tam tak a liampui thîn a, kan mi ngaih leh duh takte pawh leilunga hmuh leh ngai tawh loh tûra muai liam an awm fo. Kum liam taah khân, chatuan rama min hawsantu an tam hle a ni. Keini nungdama kum thar lâwmawm thlengte hi, Pathian zahngaihna kan dawng tih hriain, Pathian leh mi dangte tân țangakai zâwka nun hmang tûrin i inbuatsaih thar zêl ang u.

(Sermon chhunzawmna)

Chuvângin, kohhran thu awih kawngah tan la thar zêl ila. Inkhâmpui chi hrang hrang thu kan awih mai thîn te hi a ropui a, a lâwmawm khawp mai. Chumi kêra eng emaw awm zauh thîn hian rilru a tihrehawm a, kohhran rorêl zêl dân a nghawng palh ang tih a hlauhawm thîn. Han zâwm phawt ila, siam rem ngai a lo awm ta a nih chuan inkhâmpuiin a siam rem leh mai thîn. Hemi kawngah leh tualchhông rorêlna thu zawm kawngah hma i sâwn zêl ang u.

3. Inpêkna nêh kohhranah rawng i bawl ang u: Inpêkna tih hi inhlân, inpumpêk, inserh hrang, intulût ti tein a sawi theih âwm e. Eng hnaah pawh thil dang aia dah pawimawha, rilru zawng zawng nêna luh chilhna chu inpêkna a tih theih ang. Chu chuan a hnathawhah a tih takzia leh chu hna hlen chhuak tûra a beih nasatzia a târ lang nghâl baw. Isua hmangaihna hian a tâna inpêkna a siam. “Eng in ti nge ni in țah in țaha, ka lung in tih-chhiat? Lalpa Isua hming avâng chuan Jerusalem khuua phuar chang ka huam lo va, thih pawh ka huam asin,” Paulan a ti a (Tirh 21:13). Lal Isuan, “Mi tirtu duh zâwng tih leh a hnathawh zawh tûr hi ka chaw a ni,” (Jn 4:34) tiin a sawi baw. Hêng hi rawng kan bawlina kawnga a lungphûm a nih a tûl. Kan taksa, kan theihna, kan thiamna, kan chakna zawng zawng hi pêk a ngai (Rom 12:1,2). He taksa pum pui hi a rawngbawl nân pêk a tûl. Vei a tûl a, enghelh bera neih a ngai. Rom 6:13-ah, “Pathian hnênah inpe ula, in taksa pêngte pawh chu felna hriam-hrei atân Pathian hnênah pe phal zâwk rawh u,” tih a ni. Pathian mi hman kan tihte hi rawngbawlina dah pawimawh ber thîn, tih takzeta a rawngbawl thîn an lo ni. Isaia 62:7-ah chuan, “...nangni Lalpa hriatpuitua awmte u, awm hle hle hlek suh ula, amah pawh chu awm hle hletir hlek suh u,” tih kan hmu. Petera te pawhin zankhuain lèn an dêng a, an hlawhchham dêr mai. Lal Isua an hnênah a lo kal a, lèn dêng leh tûrin a ti a. Petera chuan, “Zirtirtu, rim takin zankhuain kan bei a, eng mah kan man lo va; nimahsela, i thuin lèn

te ka dêng leh ang e,” a ti a (Lk 5:5). Lal Isua thua lèn a’n den meuh chuan an lawng pil lek lek khawpa tam sangha a man ta. Mi inpe, thawk rimte chu Lalpan mal a sâwm thîn. Pathian hian tih takzeta a rawngbawltu, mahni inkalsan khawpa inpe ngam a thlah-thlam ngai lo va, a kalsan ngai lo. An mawh chaw takin a chawm zâwk thîn.

4. Inpumkhatna: Mizorama kohhran hrang hrang inkârah inpumkhatna kawng zawhin Council of Churches in Mizoram a lo piang ta a. A lâwmawm takzet a ni. He inpumkhatna hian hma a sâwn zêl theih nân kohhranhote mawh kan phur tih hriain tan la zêl ila. Puithiam Lal țawngțaina pawh ‘an zaa pumkhat an nihna tûrin’ tih a ni a. Lal Isua Kristaa inngat, amaha rem kohhranho hi inpumkhat zêl tûr kan ni. Kohhran hrang hrang inpumkhatna bâkah keimahni tualchhông inpumkhatna pawh ngaih pawimawh a tûl khawp mai. Inpumkhatna hi Pathian zia a ni a, a mite awm dîn tûra a duh dân a ni baw. Inpumkhatna awm lohna hmunah chuan Pathian ropuina a lang thei lo a, rawngbawlnain rah țha a chhuah hlei thei thîn lo. Inpumkhatna, hmangaihna leh inremna awmna hmunah erawh chuan Isua chawimawiin a awm a, rawngbawlina a sâwt a, kohhran pawh a zahawm thîn (Rom 15:5,6; Eph 4:16; Jn 17:20,21).

Kan rawngbawl honaah hian chaponate hian min tibuai palh thei. Lal Isua zirtirte zingah tu nge ropui ber ang tia ropui inchuhna boruak ang chi hian kohhran rawngbawlina a tițuanawp fo. Hmêlmapan rawngbawltute inkârah te, kohhran leh kohhran inkârah te hêm thlâk a tum fo. Lal Isua zirtirna hre reengin, sual hnathawh awm thei laka kan invên reng a pawimawh takmeuh. Lalpa ram a lo zau zel theih nân hawh u, hruikhat vuanin Lalpa tân i bei zêl ang u.

Kum thar lâwmawm tak hian kohhranhoteah Lalpa tâna inpêkna leh țahnemngaihna tharrawn her chhuahpui sela. Tûnlai hun harsa tak kêrah hian rinawm taka Lalpa tâna thawk zêl tûrin i infuih thar sauh sauh ang u. Lalpan kohhranhote malsâwm che u rawh se.

Râl Vêngtu



Rawngbâwltu eng emaw zât hi Râl Vêngtu hnenah an lo lêng a. "Râl Vêngtu, kum tharkan thleng ta a. Pathian thu sawi dân, thuhrlil chungchânga kan hriat tûr min han hrilh teh," an ti a.

Râl Vêngtu chuan, "Tum khat chu kohhran pakhatath thuhrlitu pakhat hian thu a sawi a. 'Ka thusawi hun an puan ka hriat khân, "Eng nge ka sawi ang aw?" tiin ka ngaihtuah a. Ka rilruah thu pahnih a lo lang a. Pakhat chu ngaihdamna thu a ni a. Mi zawng zawng hian sual ngaihdam kan mamawh a, Pathianin Kristaah min ngaihdam avângin mi dangte pawh kan ngaidam ve tûr a ni. Sual ngaihdam ngai ka nihzia pawh ka hria a, mi dang ngaihdam tûr pawh ka nei ÷euh mai. Ngaihdamna hmu tûra simna pawimawhzia thu hi ka rilruah a lo awm a. Mahse, chu chu sawi ka tum lo va. Ka rilruah "Hma i sâwn ang u" tih thu hi a lo lang bawk a, chu chu sawi ka tum ta zâwk a ni.

"Hmasâwn tûr chuan thawhlâwm pêk that a tûl a, kan biak in te hi tihchangtlun deuh deuh a ngai. Air conditioner pawh kan nei tûr a ni, kan sound system te pawh hi tûn aia ÷a zâwk nei tûrin hma i sâwn ang u. Generator lian ÷a zâwk kan nei tûr a ni, current awm loh pawha harsatna awm lo tûrin. Tichuan, vêng dang pawhin min awt ngawt ang,' tiin rei tak a sawi ta a.

"A thusawi chhûng chuan mipui an muthlu nasa hle a, inkhâwm bang chu an haw thliai thliai a. Pa upa lam tawh hian thuhrlitu chu chibai bûk pahin, 'Isawi tum loh zâwk kha sawi la chuan hma kan sâwn zâwkin, inkhâwmho pawh hlim takin an ÷in zâwk ngei ang,' a ti a," a ti a.

Mite chuan, "Râl Vêngtu, thuhrlituten an sawi tum loh zâwk an sawi hmasa ÷euh ÷hin hi chu a tûl lo ngawt mai. I thil sawi chu mi dang hnênah kan sawi chhawng zêlang e," an ti a, an chhuak ta dam dam a.

SYNOD HOSPITAL, DURTLÂNG THILPÊK DAWNTE (November 2024)

I. CHARITY FUND PETUTE

| | |
|--|-----------------|
| 1. Pi Lalremi, Zêmbâwk North | 4,000 |
| 2. Dr Lalmalsâwma Nghâka D-3 Business Enterprise | 5,000 |
| 3. Pu Zodinliana, Mission Vêng | 2,000 |
| 4. Pu Bom Bahadur, Sakawrtuichhûn | 1,500 |
| 5. Hming thup | 5,000 |
| 6. Hming thup | 500 |
| 7. Pu Ropiangliana, Nursery Vêng | 1,50,000 |
| 8. Upa K. Malsâwma & Family, Châltlâng | 20,000 |
| 9. Pu Remlalngghâka Driver, Synod Hospital | 500 |
| 10. Pu R. Zohmingliana te nupa, Saikhamakâwn (Inneh Golden Jubilee pualin) | 10,000 |
| 11. Pi Lalremmawii, Châltlâng Dâwrkâwn | 5,000 |
| 12. Pu Daniel B. Thanmawia Durtlâng Mêl 5 | 2,000 |
| 13. K.T.P., Tuikhuahtlâng Branch | 15,000 |
| 14. Suarhliap Kohhran Hmeichhia | 2,000 |
| 15. Bethlehem Vênglai Kohhran Hmeichhia | 30,000 |
| 16. Zârkaw Kohhran Hmeichhia | 30,000 |
| 17. Châltlâng South Kohhran Hmeichhia | 10,000 |
| 18. Bûngkâwn Kohhran Hmeichhia | 50,000 |
| 19. Suarhliap Pastor Bial Kohhran Hmeichhia | 5,000 |
| 20. Zuangtui Pastor Bial Kohhran Hmeichhia | 10,000 |
| 21. Lungdai Hmâr Vêng Kohhran | 1,000 |
| 22. Lungdai Kohhran | 4,000 |
| 23. U.P.C. Mizoram, Durtlâng Bial | 18,000 |
| 24. Khatla Pharmacy, Khatla | 2,000 |
| Belh khâwm | 3,82,500 |

II. THISEN PETUTE

| | |
|-------------------------|----|
| 1. KTP, Dâm Vêng Branch | 34 |
|-------------------------|----|

Unit zât

| | |
|--|------------|
| 2. KTP, Kanan Branch | 40 |
| 3. KTP, Châltlâng South Branch | 33 |
| 4. KTP, Chawnpui Branch | 22 |
| 5. KTP, Bethlehem Vênglai North Branch | 24 |
| 6. KTP, Bethlehem Vêngthlang Branch | 37 |
| 7. KTP, Chawhmun Pastor Bial | 51 |
| 8. United Youth, Lungdai | 11 |
| Belh khâwm | 252 |

III. THIL DANG PETUTE

| |
|--|
| 1. Pi Lalropui, Edenthar Vêngthlang – Bench pahnih (A fapa Zaithantluanga hriat reng nân) |
| 2. Hming thup – Palliative Care tân ₹20,000/- |
| 3. KTP, Tuikhuahtlâng Branch – K Ward-a hman tûr Water Filter. |
| 4. KTP, Suarhliap Pastor Bial – Hmunphiah tam tak. |
| 5. Leitan South Kohhran Hmeichhia – Grace Home tân ₹10,000/- |
| 6. Bethlehem Vênglai Pastor Bial Kohhran Hmeichhia – Physiotherapy Unit tân ₹26,100 |
| 7. Rahbi Tleu Sub-Committee, Central Kohhran Hmeichhia – Grace Home tân ₹20,000 |
| 8. YMA, Republic Vêng Branch (Branch kum 66-na pualin) – Puan 55. |
| 9. A.M. Surgical, Guwahati – Dr Fraser's Clinic-a hman tûr PA Amplifier set khat (₹9,500 man hu) |

LAWM THU SAWINA: Hospital tâna thil chi hrang hrang petute chungah Pathian hmingin lâwm thu kan sawi a. A lêt tam takin Pathian malsâwmna lo dawng zêlang che u. Thil pe duh tân Director (94361 54365) leh Nursing Superintendent (94361 52751)-te hnênah eng tik lai pawhin inhriatfir theih a ni e.

Rev. R. Lalvulluaia
Chaplain Sr, Synod Hospital, Durtlâng

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdâwlna pawisa pêk a ni:

| Khua | Pêk chhan | Chhûngkaw zât | Pêk zât | Khua | Pêk chhan | Chhûngkaw zât | Pêk zât |
|--------------------|--------------|---------------|----------|--------------------|---------------|---------------|-----------------|
| Sihthiang | Lei min tuar | 4 | 34,000 | Lallen | Damlo | 1 | 10,000 |
| Hlimen Dâm Vêng | Damlo | 2 | 20,000 | Ramthar | | | |
| Vaþhuampui | Râltân | 28 | 1,40,000 | Tlâng Vêng | Damlo | 2 | 20,000 |
| Rângvamual | Lei min tuar | 1 | 20,000 | Mualkhang | Damlo | 1 | 10,000 |
| West Sêrzâwl | Damlo | 1 | 10,000 | Khawzâwl Dinthar | Khawsak harsa | 1 | 10,000 |
| Zohmun | Damlo | 1 | 10,000 | Lungsum | Damlo | 1 | 10,000 |
| Chawngtlai | Damlo | 1 | 10,000 | Pâmchung | Damlo | 1 | 10,000 |
| Lily Vêng (Aizâwl) | Damlo | 1 | 10,000 | Chanmari Vêngthar, | | | |
| Þhiak | Damlo | 1 | 10,000 | Sêrchhîp | Damlo | 1 | 10,000 |
| Tuirial | Damlo | 1 | 10,000 | Belh khâwm | | | 3,54,000 |

2024 SYNOD INKHAWMPUI REPORT

Synod Inkhawmpui vawi 101-na chu December ni 4–8, 2024 chhông khân Mission Vêngthlang Kohhran Biak Inah tluang taka hman a ni a. Thlarau lam thupui 'Lalpa kawng buatsaih' (Is 40:3–5) tih chu Rev. C. Sâpkaia, Khatlain a sawi. Tûn ÷umah hian palai ni sa 1,311 leh palai thlan 815, an vaiin mi 2,126-in ro an rêl a ni. Puipate chu:

Moderator

Rev. R.C. Lalngkhâkiana

Secretary (Sr)

Rev. P.B. Mankima

Secretary (Jr)

Upa Vânlalsâwma Siakêng

Finance Officers

Rev. V.L. Luaia Hânleth

Rev. P.C. Pachhônga

Statistician

Rev. H. Laltlanthanga

Senior Executive Secretary

Rev. C. Zoramawia

Executive Secretary

Rev. Dr K. Lallâwmzuala

Rorêl ÷henkhat han sawi ila:

1. Kum 2025 Synod chu Zârkawt Kohhran Biak Inah Dâwmpui Bialin a thleng ang.

2. Kum 2025 Synod Moderator atân Rev. John Râldosânga thlan a ni.

3. Pastor atân mi 17 nemnggeh an ni a; Pro. Pastor atân mi 20 lâk thar an ni a; Minister 7 sùn an ni a; kumina pension Minister 8 an awm.

4. Kum 2025 Pastoral Ministry thupui atân 'Inpumkhatna' (Jn 17:11b) tih thlan a ni.

5. Bial thar 5 – Saikhawthlîr, Ludhiana, Amrapara, Tarahara leh Bagnan-te hawn a ni.

6. Bairabi Presbytery hawn thar a ni.

7. Kum 2025 hian Synod hnuai a thawk 62 chu pension-in an chhuak.

8. Kum 2025–2027 chhônga Synod Executive Secretary atân Rev. V.L. Luaia Hânleth (Sr), Rev. Dr K. Lallâwmzuala leh Rev. Dr Rosiamliana Tochhawngte ruat an ni.

9. Department hotu atâna thlan tharte: Rev. R. Lalhmingsânga (SMB Secretary), Pu K. Lallianzuala (SHSS Principal), Rev. H. Lalhmingawia (AS, Chhim Area), Rev. Lalrinthara (AS, Barak Area), Rev. P.B. Zosâpthara (Editor, SL&PB), Rev. C. Lalremruata (Consultant, TPS-cum-Partnership Consultant), Dr R.L. Sânghluna (Synod Hospital Director).

10. Central KÏP Leader ÷ang lai chu ES-ah thlan a nih avângin, term kal lai zuia CKÏP Leader tûrin Rev. H. Lalawmpuia i/c Sakawrtuichhûn Bial chu thlan a ni.

11. Council of Church in Mizoram (CCM) Sunday atân kum tin October Pathianni vawi 4-na hman ÷hin rem tih a ni.

12. Kum 2025–2026 Synod Budget atan ₹5,32,71,90,000/- pawm a ni.

13. **Inchhiarna lam:** Presbytery zât 47, Pastor Bial zât 304, Kohhran zât 1,169, Branch Church zât 80, Preaching Station zât 706, Minister zât 603 (Bial vawng 303 leh vawng lo 107, Masihi Sangati Pastor 9, Minister chhiartu dang nei lo 42, Minister pension 142), Pro. Pastor zât 48, Synod Preacher zât 13, Kohhran Upa zât 5,963, Tual Upa zât 2,283, Dânzawhkim zât 4,67,627, Thunun mêk zât 11,783, Member zât 6,39,289 (Mipa 3,09,056 leh hmeichhia 3,30,233), Kohhran chhôngkaw zât 1,43,110, Pâwl dang aṅanga lo pakai zât 6,453, Pâwl danga pakai zât 1,465, Ringlo hming pe thar zât 2,572, Kohhran chhuahsan zât 305, Nau piang thar zât 8,096 (Mipa 4,158 leh hmeichhia 3,911), Mitthi zât 4,521 (Mipa 2,915 leh hmeichhia 1,606), Sunday School zât 1,621, Sunday School zirlai zât 4,56,208, Sunday School zirtirtu zât 58,251, Zirna in zât 606 (College 4, Higher Secondary School 2, High School 58, Middle School 180, Primary School 246, zirna dang 116), Zirlai zât 55,733, Zirtirtu zât 3,399, leh Damdawi in zât 2, Dispensary zât 101, Doctor zât 45, Nurse/Health Worker zât 302, Nurse zirlai zât 133.

PRO. PASTOR THARTE

Hêng mite hi Pro. Pastor atâna lâk tharte an ni: R. Lalnunkûnga, Lalramthara, T. Lallâwmzuala, T. Ramkalsiama, R. Lalbiakvêla, Lalthansânga Sailo, Ngunchungliana, Samuel Lalhmangaihsânga, H. Lalremsiama, K. Lalnunhlina, Lalremtluanga, R. Vânhmingawia, Isaac Lalremruata Dârngâwn, Alfred Vânlalhruaia, C. Vânlalpêka, Vincent Laldinthara, Vikash Kumar Ram, Kahjam Poireilemba Meetei, Singong Hacheng, P. James.

HRIATTIRNA

Missionary Training College (MTC), Mission Vêngthlangah Bachelor of Missiology (B.Miss.) zir duh tân dîl theih a ni leh ta. Dîlna form leh Prospectus hi ₹50/-in office hun chhôngin MTC Office-ah lâk chhuah theih a ni a, dîlna form hi MTC website <https://www.mtc.edu.in>-ah download theih a ni bawk.

Dîl thei chin

: Class–XII pass chin.

Dîlna theh luh hun hnunung

: Ni 14.2.2025 (Zirtâwpni)

Entrance Test

: Ni 18.3.2025 (Thawhlethni) 9:30 a.m. @MTC

Interview

: Ni 20.3.2025 (Ningani) 10:30 a.m.

@Committee Room–I, Synod Office, Mission Vêng.

Rev. Dr C. Lalramchhana

Principal, MTC

Ph Nos. : 0389-2328525, 9612164982